

**Ўзбекистон Республикаси Президенти ҳамда Вазирлар
Маҳкамасининг топшириқларини 2025 йил I яримйиллигида амалга
ошириш бўйича йўл қўйилган тизимли камчиликлар ҳамда 2025
йилнинг II яримйиллигида ижро интизомини янада мустаҳкамлаш
бўйича таклифлар тўғрисида**

Ўзбекистон Республикаси Бош вазири маслаҳатчисининг 2025 йил 21 июлдаги 07-15-18-сонли топшириғига асосан, жорий йилнинг **III чорагида** вазирлик ва идораларда ижро интизомини янада мустаҳкамлаш, таркибий бўлинмалар раҳбарлари ва мутахассисларнинг малакасини ошириш мақсадида иқтисодий ўқишлар ташкил этиш белгиланган.

Қонунчилик ҳужжатлари ва топшириқлари ижросини **“ijro.gov.uz”** электрон тизимида самарали ташкил этиш, 2021 йил 10 февралдаги ПФ-6166-сон фармони ҳамда 2021 йил 31 майдаги ПК-5132-сон қарорида белгиланган талабларга қатъий амал қилган ҳолда амалга оширилади.

Жамиятда 2025 йилнинг I яримйиллигида Ўзбекистон Республикаси Президенти ҳамда Вазирлар Маҳкамасининг топшириқларини бажариш бўйича тизимли ишлар амалга оширилди.

Топшириқларнинг ижро ҳолати “Ўзбекистон МЭТ” АЖ бошқарув раиси ва унинг ўринбосарлари ҳузуридаги ҳар кунги йиғилишларда муҳокама қилиб борилмоқда.

“ijro.gov.uz” электрон тизимида 2025 йилнинг январь-июнь ҳолатига “Ўзбекистон миллий электр тармоқлари” АЖ масъул бўлган жами Ўзбекистон Республикаси Президентининг **72 та**, Вазирлар Маҳкамасининг **18 та** топшириғи ижроси тўлиқ таъминланиб тизимда назоратдан ечилди.

2025 йил июль ойида жами **8 та** асосий ижрочи сифатида белгиланган топшириқ ижроси тўлиқ таъминланиб тизимда назоратдан ечилди.

Август ойида жами **14 та**, шундан асосий ижрочи сифатида **9 та** топшириқ мавжуд, **1 та** топшириқ бажарилди, **8 та** топшириқнинг ижросини таъминлаш чоралари кўрилмоқда.

Вазирлар Маҳкамаси ҳужжатлари бўйича август ойида **6 та** топшириқ мавжуд бўлиб ижросини таъминлаш чоралари кўрилмоқда.

Август ойига белгиланган назоратдаги топшириқлар ижросини самарали ташкил этиш мақсадида, **23 июль** куни топшириқлар бўйича кунбай календар график ҳамда бошқарув раиси ўринбосарлари, бошқарма ва бўлимлар кесимида йўл хариталари тасдиқланиб **“ijro.gov.uz”** тизими орқали ижрочиларга етказилди.

Жорий йилнинг **II яримйиллигида** муддати белгиланган топшириқларни ҳар томонлама таҳлил қилиш, бунда ижросини таъминлашда юзага келиши мумкин бўлган хавф-хатарларнинг олдини олиш, муаммоли масалаларни

аниқлаш, топшириқларни самарали ва тўлиқ ҳажмда бажарилишига алоҳида эътибор қаратиш, олдиндан чора-тадбирлар белгилаб олиниши лозим.

Топшириқларни белгиланган муддатларида бажариш имкони бўлмаган тақдирда (бажариш муддатида камидан икки ой олдин) Ўзбекистон Республикаси Президентининг 2021 йил 31 майдаги ПҚ-5132-сон қарорида белгиланган талаблар асосида Адлия вазирлигига асословчи таклифлар киритилиши лозим.

Ўзбекистон Республикаси Президентининг фармон, қарор, фармойиш ва топшириқларида белгиланган ижро муддатлари фақатгина Адлия вазирлиги ҳамда Вазирлар Маҳкамаси томонидан кўриб чиқилиб, Ҳисоб палатаси хулосаси асосида Ўзбекистон Республикаси Президенти Администрацияси рухсати билан узайтирилади.

Қонунчилик ҳужжатлари ва топшириқларининг ижроси тўғрисидаги маълумотлар **“ijro.gov.uz”** тизими орқали тўлиқ, тўғри ва ўз вақтида тақдим этиб бориш, тасдиқланган календарь графиклар асосида белгиланган муддатида камидан **5 кун** олдин таъминланиши, назоратини кунлик самарали ташкил этиш, ҳар бир топшириққа масъулият билан ёндашиш лозим.

Ижро муддати белгиланмаган ёки ижро муддати бир йил ва ундан ортиқ этиб белгиланган топшириқлар бўйича амалга оширилган ишлар тўғрисидаги маълумотлар ҳар олти ойда масъул ижрочилар томонидан **“ijro.gov.uz”** тизимида киритиб борилади.

Камчилик ва муаммолар:

- Ижрога барвақт киришмаслик;
- Тасдиқланган назорат режалари, йўл хариталаридаги муддатлар билан тизимли равишда ишларни ташкил қилмаслик;
- Фақатгина ижро муддати яқин бўлган топшириқлар билан ишлаш;
- Муддатини узайтириш ва алоҳида тартибда назоратдан олиш бўйича таклифларни сифатсиз ҳамда кечиктириб тақдим этиш.

2025 йилнинг II яримйиллигида “ijro.gov.uz” тизимида ижро интизомини мустаҳкамлаш бўйича таклифлар:

- Топшириқларни бажаришда юзага келаётган ҳар қандай муаммоли масалалар раҳбарият билан муҳокама қилиниб, бевосита ҳамкорлик ва жонли мулоқот асосида ҳал этиш;
- Бажарилмаслик ҳавфи мавжуд бўлган топшириқларга алоҳида эътибор қаратиш ва улар ижросини барвақт ташкил этиш чораларини кўриш;

- Топшириқ келиб тушган захоти топшириққа масъул ижрочини белгилаш ва ўз муддатида бажариш кўрсатмасини бериш.

“Ўзбекистон МЭТ” АЖда бошқарма, бўлим ва хизмат бошлиқларига, қонунчилик ҳужжатлари ва топшириқларини тўлиқ бажармаган, кечиктириб бажарган ёки умуман ижросини таъминламаган раҳбар ва ходимларга нисбатан интизомий жазо чоралари қўлланилиши белгиланган.

Дилфуза Саидова, Ижро интизоми назорати бўлими бошлиғи